



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 251. An Judex possit procedere ad torturam ex sola fama publica.

urn:nbn:de:hbz:466:1-42600

ullibi promisit Deus se non permisurum, ut assūmeret formam innocentis.

Obj. 1. Id videri esse contra bonitatem Dei, ut permittat amicos suos sic affligi. *R. 1.* Deus permisit à dæmone affligi *Iobum* aliosque viros SS. Item alios maleficiis incantari, quandoque etiam possideri à dæmone : Item Martyres eo instigante morti tradi, sicutque opprimenti innocentiam in hac vita, ad majus meritum hominis aut ad alios fines Deo notos. *R. 2.* Saltem poterit Deus permettere, ut homo innocens circa magiam, sed aliorum peccatorum reus ita repræsentetur, sicuti permittit furem à magis repræsentari in speculo vel pelvi aquæ.

Obj. 2. Si hoc posset dæmon, faceret sæpius. *R. N. seq.*, causa potest esse, 1. quia aliás facilè patefit innocentia, nec amplius credetur fraudibus. 2. Parum commodi inde habet dæmon, cùm ejusmodi innocentes bene parati, cum ingenti merito excipient mortem.

Obj. 3. Ergo quivis poterit dicere se, v. g. non occidisse alterum, sed speciem suī repræsentatam esse à dæmone, qui alterum occiderit. *R. N. seq.*, disparitas est, quod omnes fateantur in conventionibus sagarum contingere plurimas illusiones & transformationes, hinc meritò dubitant viri prudentes de veritate ejusmodi repræsentationum, nihil simile est circa alia crimina.

Q. 251. An possit Index procedere ad torturam ex sola fama publica. *R. Quid sit fama & infamia, diximus l. 3. p. 2. n. 1191. Præterea hic n. 786. diximus, quid sit fama de homine & inter homines: Item quid sit infamia juris aut facti, & quandonam fama aut infamia dicatur publica, quibus suppositis, sit* 1458

§. I. Fama seu infamia habens ortum à sola parte adver-

adversaria, non habet ullum robur, sed debet habere ortum ab aliis fide dignis, uti habet communis cum *Gob.* in *Exp. T. 10. n. 548.* Deinde ut *Judex* possit procedere ex fama, debet haec judicialiter probata esse saltem per duos testes legitimos, qui saltem ruditer sciant, quid sit fama, & jurati deponant se ita audivisse à majore parte hominum istius loci, & quod orta sit ex bono fundamento & causa tali ac tali, & à bonis viris, aut saltem sic, ut constet non manasse ex rixis, contumeliis, detractionibus, odiis, temerariis judiciis, responsis magorum, &c. *Clarus, Farinac. Delrio, Spe d. 34.*, dicens se pro eadem sententia citare posse alios plures quam 50. Ratio est, quia quando probata non est, non scitur, an verè sit vel non sit fama, & quamvis forte sit, tamen communiter est planè temeraria, sed non est licitum procedere ex judicio, de quo nescitur, an detur vel non detur, & an non sit, quale esse solet, planè temerarium, ergo. Nec iuvat, quod forte adsint alia indicia, nam fama non probata nihil prodest, ergo non addit istis indicis ullum pondus, ergo si ista indicia de se non erant sufficientia, etiam ut conjuncta tali famæ non sufficient.

§. II. Sola fama etiam probata, si non sit suffulta aliis indicis, non est, saltem ordinariè, sufficientis ad torturam, ita cum aliis multis *Clarus, Less. Delrio, Spe suprà, Ratio est 1.*, quia fama secundum Juristas & Theologos non probat in criminalibus, sed tantum habet se instar accusatoris, nemo autem torqueri potest, nisi accusator aliquam adferat probationem: Hinc ex sola accusatione aut fama habebit *Judex* tantum causam inquisitionis, ergo. 2. Fama etiam probata est indicium valde remotum à delicto & valde fallax, uti omnes fatentur, probatque experientia, nec potest apud *Judicem* causa-

re fir.

re firmum judicium, sed tantum veluti suspicionem, ergo est contra charitatem & justitiam & rectam rationem ex illa sola procedere ad gravissimum incommodum torturæ proximo inferendum. Ex his,

Sequitur, non esse audiendum *Sperellum* fori Eccl. decis. 136. n. 32., ubi dicit famam publicam facere, ac si crimen esset plenissimè probatum: item *Mascardum* de probat. vol. 2. concl. 810. n. 20., ubi idem asserit de fama solius viciniæ, si sic adjuta conjecturis aut conjuncta cum uno teste, oppositum enim constat ex dictis, cùm fama sit indicium adeo debile.

Q. 252. An sola fama, vel sola indicia levia 1454

nunquam sufficientia ad torturam. *R.* In atrocissimis criminibus occultis & difficilis probationis sufficere solam famam, docent *Clarus*, *Farina*, *Menoch. Binsf.*; Similiter sufficere leviora indicia dixerunt *Marfil. Menoch Monticel. Mascard.*, sed *Delrio* l. 5. f. 3. *Spe* q. 36. aliique dicunt, quantumcunque crimina sint atrocia, excepta, occultæ ac difficilis probationis, nunquam sufficere vel solam famam vel alia quævis indicia non facientia probationem quasi plenam: Rationem dant, 1. Quia lex n. 1443. relata tunc tantum permittit torturam, quando est talis probatio, ut sola confessio deesse videatur; Et cùm non distinguat inter crima, nec nos distinguere debemus, sed accusatis relinquere hujus legis beneficium ac favorem. 2. Quia tortura est res damnosissima & pericolosissima, ergo ad eam non licet procedere, nisi ex urgentissimis indiciis, fama autem aut indicium levius est aliquid valde fallax, quod non probat, sed tantum habet se instar accusatoris vel suspicionis apud Judicem, uti n. 1453. dictum est, ergo. *Nec obstat*, quod crimen sit atrox vel exceptum, nam tanto erit damnosius & periculosius accusato, si per torturam cogatur fateri; &

C 66

quod